

LATIHAN INTENSIF PERIBAHASA

Nama :

Tingkatan :

Baca petikan di bawah dengan teliti dan kemudian kemukakan tiga peribahasa yang menggambarkan situasi yang terdapat dalam petikan.

1. Sebenarnya Lotter tidak berminat dan [tidak pandai bermain bola sepak] ketika di kampung. Setelah dia [melanjutkan pelajarannya di institusi pengajian tinggi] ,minatnya untuk bermain bola timbul dan dia telah bergiat cergas dalam permainan tersebut. [Hasil usaha gigih tanpa mengenal penat dan erti jemu,] dia telah terpilih sebagai pemain yang akan mewakili institusi tempatnya belajar.
 - a. _____
 - b. _____
 - c. _____

2. Memang banyak faedah yang akan diperoleh jika kita merantau atau pergi ke sesuatu tempat yang jauh dari tempat kita. Kita akan dapat melihat cara hidup masyarakat di tempat tersebut yang berbeza dengan cara hidup kita. Oleh itu, memang ada orang yang suka mengembara ke tempat lain sama ada untuk mencari pekerjaan ataupun pengalaman. Ada pula perantau yang terus menetap di tempat tersebut, tetapi ada juga yang pulang ke tempat asal setelah lama berada di perantauan.
 - a. _____
 - b. _____
 - c. _____

3. Diddy memang merupakan seorang anak yang degil dan tidak mendengar nasihat ibu bapanya. Segala nasihat ibu bapanya tidak diendahkannya dan dia sering melakukan sesuatu perkara mengikut perasaannya serta tidak memikirkan kesan buruk yang akan menimpa dirinya suatu hari nanti. Dia sering memandu keretanya dengan laju dan dalam keadaan bahaya. Namun begitu, selepas dia terlibat dalam kemalangan jalan raya yang menyebabkan kakinya patah, barulah dia menyesal dan sedar akan kedegilannya. Namun begitu, penyesalannya itu sudah terlambat. Selain itu, semua kawannya yang selalu mendampingiya selama ini sudah mula menjauhkan diri.
 - a. _____
 - b. _____
 - c. _____

4. Bapa Faizal baru sahaja mendapat wang yang banyak hasil jualan tanahnya. Dia terlalu gembira kerana tidak menyangka tanah itu akan dimajukan oleh kerajaan. Wang yang diperoleh itu akan digunakan untuk membeli rumah banglo baru dan kereta mewah yang diidamkannya selama ini. Namun begitu, perangnya juga sudah berubah sejak mendapat wang yang banyak itu dan masanya selalu dihabiskan di meja judi. Dia begitu boros berbelanja dan berjudi hingga menyebabkan wangnya habis dalam masa dua tahun sahaja. Akhirnya, dia menyesali sikapnya yang boros itu, tetapi sudah terlambat.
 - a. _____
 - b. _____
 - c. _____

[12 markah]

JAWAPAN LATIHAN INTENSIF PERIBAHASA

1. Kaki bangku ; menara gading ; di mana ada kemahuan, di situ ada jalan.
2. Jauh perjalanan,luas pemandangan ; bagai belut pulang ke lubuk ; setinggi -tinggi terbang bangau,hinggap di belakang kerbau juga.
3. Keras kepala ; ibarat mencurah air ke daun keladi ; sudah terhantuk baru nak tern gadah.
4. Durian runtuh ; seperti orang mengantuk disorongkan bantal ; nasi sudah menjadi bubur